



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU „NARODNE STRANKE“ BRČKO DISTRIKT BIH

Broj: 03-07-6-465/11
Sarajevo, 21. oktobar 2011. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI	5
5.2. PREPORUKE	6

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja „Narodne stranke“ Brčko distrikt BiH za 2010. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost, koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

„Narodna stranka“ Brčko distrikt BiH prekršila odredbu člana 11. stav (4) i odredbe člana 12. stav (1) i (2) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, a imajući u vidu činjenicu da politička stranka nije dostavila dodatnu finansijsku dokumentaciju, nismo zapazili ništa značajno, što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja „Narodne stranke“ Brčko distrikt BiH za 2010. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, „Narodna stranka“ Brčko distrikt BiH nije ostvarila prihod, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	0,00	0,00 %
8	Ostali prihodi	0,00	0,00 %
	Ukupni prihodi:	0,00	0,00 %

U godišnjem finansijskom izvještaju stranka nije iskazala nikakve rashode.

2. PREDSTAVLJANJE POLITIČKE STRANKE

Naziv političke stranke je „Narodna stranka“ Brčko distrikt BiH. Skraćeni naziv stranke je „NS“ Brčko distrikt BiH.

Politička stranka je registrovana 15.04.2008. godine u Osnovnom sudu Brčko distrikta BiH, pod brojem: 096-0-Reg Ps -08-000003.

Sjedište političke stranke je u Brčko distriktu BiH, ulica Nikole Tesle broj 60.

Za zastupanje stranke ovlaštteni su: Vojko Gavrilović, predsjednik stranke i Borko Reljić, potpredsjednik stranke.

Lice ovlašteno za podnošenje finansijskih izvještaja za 2010. godinu, nije navedeno u finansijskom izvještaju.

Prema podacima iz godišnjeg finansijskog izvještaja, „Narodna stranka“ Brčko distrikt BiH nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj „Narodne stranke“ Brčko distrikt BiH za 2010. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju, da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole godišnjeg finansijskog izvještaja „Narodne stranke“ Brčko distrikt BiH obuhvata kontrolu i provođenje analitičkih procedura radi utvrđivanja usklađenosti podataka, koje je stranka iskazala u finansijskom izvještaju, sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Izvršen je pregled godišnjih finansijskih izvještaja „Narodne stranke“ Brčko distrikt BiH za 2008. i 2009. godinu, nakon čega su izdati izvještaji o pregledu sa nalazima revizije i preporukom revizora da stranka treba postupati u skladu sa odredbama člana 11. stav (1) i (3) i članom 12. stav (1) Zakona o finansiranju političkih stranaka.

Nerealizovane preporuke:

„Narodna stranka“ Brčko distrikt BiH nije ispoštovala preporuke revizije u vezi sa članom 12. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

a) „Narodna stranka“ Brčko distrikt BiH prekršila je odredbe člana 11. stav (4) Zakona o finansiranju političkih stranaka¹.

Politička stranka na zahtjev Centralne izborne komisije Bosne i Hercegovine nije dostavila dodatnu dokumentaciju, čime je prekršila odredbe člana 11. stav (4) Zakona o finansiranju političkih stranaka.

„Narodnoj stranci“ Brčko distrikt BiH je upućen zahtjev broj: 03-07-6-465-2/11 od 28.06.2011. godine², kojim je od stranke zatraženo da dostavi dodatnu finansijsku dokumentaciju, odnosno analitičke kartice na osnovu kojih je sačinila finansijske iskaze, koje je podnijela Agenciji za posredničke, informatičke i finansijske usluge (APIF).

¹ U skladu sa odredbom člana 11. stav (4) Zakona o finansiranju političkih stranaka, sva lica koja su dužna da podnesu izvještaj, moraju da podnesu i dodatne izvještaje koje Centralna izborna komisija Bosne i Hercegovine zatraži.

² Zahtjev je stranci uručen u skladu sa članom 85. Zakona o upravnom postupku („Službeni glasnik BiH“ broj: 29/02, 12/04, 88/07 i 93/09), objavom na oglasnoj ploči Centralne izborne komisije BiH.

Obzirom da stranka nije postupila po navedenom zahtjevu, odnosno nije dostavila traženu dokumentaciju, upućena joj je urgencija, broj: 03-07-6-465-3/11 od 02.08.2011. godine, koju je stranka uredno primila.

„Narodna stranka“ Brčko distrikt BiH nije postupila ni po urgenciji, odnosno nije dostavila traženu dokumentaciju za 2010. godinu, čime je prekršila odredbu člana 11. stav (4) Zakona o finansiranju političkih stranaka.

b) Politička stranka je prekršila odredbe člana 12. stav (1) i (2) Zakona o finansiranju političkih stranaka³.

U finansijskom izvještaju, stranka nije navela osobu ovlaštenu za podnošenje finansijskih izvještaja, niti je na bilo koji način obavijestila Centralnu izbornu komisiju BiH o njenom imenovanju.

U skladu sa odredbom člana 9. stav. (1) tačka j) Pravilnika o godišnjim finansijskim izvještajima političkih stranaka, „Narodna stranka“ Brčko Distrikt BiH, bila je obavezna u finansijskom izvještaju koji je dostavila Centralnoj izornoj komisiju BiH navesti ime i prezime, adresu i telefon osobe ovlaštene za finansijske izvještaje.

Prilikom izrade izvještaja, obzirom da politička stranka nije dostavila dodatnu dokumentaciju, Služba za reviziju se oslanjala na podatke prikupljene iz drugih izvora: podatke iz jedinstvenog registra računa kod Centralne banke Bosne i Hercegovine i podatke iz godišnjeg obračuna ovjerenog od nadležne institucije (završni račun za 2010. godinu ovjeren od strane Agencije za posredničke, informatičke i finansijske usluge – APIF).

5.2. PREPORUKE

Preporučuje se “Narodnoj stranci” Brčko Distrikt BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da postupa u skladu sa odredbom člana 11. stav (4) Zakona o finansiranju političkih stranaka, odnosno da na zahtjev Centralne izborne komisije Bosne i Hercegovine dostavlja i sve dodatne izvještaje i*
- *da u skladu sa odredbom člana 12. stav (1) i (2) Zakona o finansiranju političkih stranaka imenuje osobu ovlaštenu za podnošenje finansijskih izvještaja i o tome, u propisanom roku, obavijesti Centralnu izbornu komisiju Bosne i Hercegovine.*

³U skladu sa odredbom iz člana 12. stav (1) Zakona o finansiranju političkih stranaka, politička stranka je obavezna imenovati ovlašteno lice koje je odgovorno za vođenje poslovnih knjiga političke stranke podnošenje finansijskih izvještaja i koje je ovlašćeno da kontaktira sa Centralnom izbornom komisijom Bosne i Hercegovine.

U skladu sa odredbom iz stava (2) istog člana, podnosioci izvještaja obavještavaju Centralnu izbornu komisiju Bosne i Hercegovine o imenovanju ovlaštenog lica iz stava 1. ovog člana u roku od petnaest (15) dana od njegovog imenovanja i u slučaju bilo kakve promjene statusa tog lica dužni su u roku od petnaest (15) dana obavijestiti Centralnu izbornu komisiju BiH o toj promjeni.

Komentar

“Narodna stranka” Brčko Distrikt BiH se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2010. godinu koji joj je dostavljen 29.09.2011. godine.

Mr. Hasida Gušić, šef Službe za reviziju - revizor